



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Balvzii Miscellaneorum Liber ... Hoc est,
Collectio Veterum monumentorum, quæ hactenus
latuerant in varijs codicibus ac bibliothecis**

Baluze, Etienne

Parisiis, 1679

Chronicon Floriacense.

urn:nbn:de:hbz:466:1-14735

eici fecerint, & Airardum Fiacensem Abbatem, cui subditi auctoritate apostolica fuerant, contra totius Christianitatis ritum à se projecerint.

CHRONICON FLORIANENSE.

- D C X V. Dagobertus junior in Francia regnat.
D C X V I. Leodebodus Floriacensis monasterij fundator obiit.
D C L X X V I I I. Pipinus major domus efficitur in Francia annis XXVII.
D C C V I I I. Drogo Princeps Francorum obiit.
D C C I X. Primùm Pipinus perrexit in Alamaniam contra Vvilharium Ducem.
D C C X I. Childebertus Rex obiit.
D C C X I V. Pipinus obiit.
D C C X V. Dagobertus Rex obiit.
D C C X V I. Primùm pugnavit Carolus Dux contra Ratbodum ad Coloniam.
D C C X X X I. Beda Presbyter doctor Anglorum obiit.
D C C X L I. Carolus Princeps obiit.
D C C X L I I. Carlomannus & Pipinus contra Hwaldum perrexerunt.
D C C L. Pipinus electus est in Regem, & Hildericus tonsoratus.
D C C L X I V. Pipinus Rex obiit. Carolus & Carlomannus regnum suscipiunt.
D C C L X V I. Carlomannus obiit.
D C C L X X V I I I. Hludotvicus natus est.
D C C C I V. Alchuinus Abba obiit.
Anno incarnationis dominicæ D C C C V I. II. Non. Jun. luna X I I I. signum crucis mirabili modo in luna apparuit feria v. prima aurora incipiente, quasi hoc modo. ✚

Anno incarnationis dominicæ DCCCIX. Indictione II, XVII. Kal. Aug. II. fer. incipiente hora diei v. eclipsin solis apparuit luna XXIX.

DCCCXIV. Carolus Imperator obiit, & Hludouicus imperium recepit.

DCCCXXIX. Hieremias Archiepiscopus obiit.

DCCCXXXIII. Hludouicus regnum amisit, & Hotharius illud suscepit. Item Hludouicus recepit.

DCCCXL. Hludouicus Imperator obiit, & eclipsin solis facta est IV. feria ante ascensionem Domini, hora diei nona, II. Non. Maij.

DCCCXLI. Bellum apud Fontanetum.

Anno incarnationis Domini DCCCXLIX. anno octavo Caroli Regis, XII. Kal. Martias, extitit terræ motus quasi decima hora noctis.

DCCCLIII. Adalbertus bonæ memoriæ monachus XI. Kal. Ianuarij obiit.

DCCCLIV. Dedicatio monasterij sanctæ Columbæ virginis & sancti Lupi confessoris.

DCCCLXIV. Cometes apparuit circa Kal. Maias per viginti dies.

Anno incarnationis dominicæ DCCCLXVI. regnante Karolo Ludovici filio, duo filij illius moriuntur Hlotharius Abbas & Karolus Rex Aquitaniorum. Avunculus quoque ejus Rhodulfus consiliarius primasque palatij hominem exit, necnon & Rhodulfus Archiepiscopus Aquitaniorum. Et duo principes Aquitanici Landricus & Imino inter se dimicantes semet interimunt. Rhothbertus quoque atque Ranulfus, viri miræ potentiæ, armisque strenui, & inter primos ipsi priores, Northmannorum gladio necantur.

Anno DCCCLXXVII. dominicæ incarnationis Karolus Ludovici filius II. Non. Octobr. obiit. Et Ludouicus filius ejus VI. Idus Decembris regnum suscepit.

DCCCLXXVIII.

DCCCLXXVIII. Iohannes Papa in Gallias venit, & apud civitatem Trekas diu moratus est.

Eodem anno, Idibus Octobris, eclypsis lunæ fuit, cum esset quartadecima. Et eclypsis solis secuta est eodem mense IV. Kal. Novembris, luna vicesima octava, utroque sidere in quindecim diebus deficiente.

DCCCLXXIX. Hludovicus Rex IV. Idus Aprilis obiit.

DCCCLXXX. Hludovicus & Karlomannus apud Ambianas regnum suscipiunt & dividunt mense Martio.

DCCCLXXXI. Hludovicus Karlomanni frater obiit.

DCCCXV. Hoc anno, mediante Maio, v. feria, apparuit stella circa ipsum septentrionem à parte Circij, emittens radium magnum versùs Euro austrum quasi longissimam hastam inter leonem & geminos trans zodiacum; & visa est ita ferè XXXII. diebus.

DCCCXVII. Memorabile bellum apud Suesfones, in quo Rothbertus Rex occubuit, licet exercitus ejus victoriam adeptus sit. Eodemque anno Rodulfus regno sublimatur.

DCCCXXVI. Gloriosus Francorum Rex Rodulfus obiit.

Prima in totam Galliam Vngarorum irruptio.

DCCCCLII. Hoc anno Vgo Dux Burgundionum & Alanus Brittonum obiere.

DCCCCLIV. Ludouicus Francorum Rex obiit. Et filius ejus Hlotharius in Regem nobiliter Remis elevatus est.

DCCCCLVI. Hoc anno IV. Nonas Septembris luna versa est in sanguinem. Eodem quoque anno, mense Junio, signum mirabile in cælo apparuit, draco magnus scilicet, & sine capite. Secuta est

statim mors Hugonis magni principis Francorum, Burgundionum, Brittonum, atque Nortmannorum. Eclipsis solis factus est XI. Kal. Ianuarij, & stella apparuerunt à prima hora usque tertiam.

DCCCCLXXIV. Ipso anno cœnobium sancti Benedicti Floriacense combustum est. Sed Dei providentia procurante in brevi trium spatiorum annorum in meliorem statum est restauratum, Domno Abbate Richardo ordinatore. Octavas sancti crematum est Laurentij.

DCCCCLXXIX. Ludovicus à Francis Compendij Rex est elevatus.

DCCCCLXXXIV. Lotharius Francorum Rex obiit.

DCCCCLXXXVII. Ludovicus Francorum Rex obiit. Eodem anno Hugo Dux Rex Francorum est elevatus Noviomii, * *qui secum Robertum filium suum Regem Aurelianis elevat.*

* Hæc addita sunt à manu paulò recentiore, sed antiqua.

Anno ab incarnatione Domini MIII. & qualitas hyemis longior solito, pluviarumque inundatio extitit gravior, atque diversis in regionibus flumina suos ultra modum præterierunt terminos. Præ ceteris verò Liger in tantum suas præterit metas ut cuncta circumcirca posita periculo mortis tremefaceret, valla penetrando, casas unà cum hominibus eruenndo, pontes firmos sepesque eradicando, boves cum bubulcis, ovilia cum ovibus & pueris demergendo, ita ut diluvium esse crederetur. Quo etiam anno propter Aurelianensem urbem, in loco qui dicitur Porcaria, multis, ut fertur, est visa civitas fantasmate constructa ab hora diei tertia usque in nonam horam, pratis aquisque cum molendinis vallata, militibus necessariisque rebus ad plenè referta. Infantem quoque fama vulgante audivimus natum fuisse omnium animalium pedes habentem, soloque capite unoque pede & manu hominem simulantem.

quem parentes dolore & rubore confusi bis terque terra occultentes, dum nequeunt eum perdere, consilio accepto in fluvio demerserunt. cuius casum tantus vocum fragor secutus est ut tota regio ejulasse crederetur.

Eodem quoque anno Girbertus Papa obiit.

Sequenti anno Abbo Abbas martyrio coronatus est.

MXVII. Rotbertus Rex filium suum Hugonem consortem regni facit apud Compendium.

MXV. Hugo Rex moritur.

MXVI. Iterum sub Gauzolino Abbate Floriacense cœnobium conflagratum est, sed biennio restauratum cum omnibus officinis & Ecclesia sancti Petri.

MXIX. Obiit Gauzlinus Abbas.

MLIX. Philippus regni monarchiam suscepit.

MLX. Henricus Rex Francorum obiit.

CHRONICON CREMONENSE.

MCXI. nono Kal. Iunij, Indictione IV. capta est & destructa civitas Laudes.

MCXVII. tertio die mensis Ianuarij, Indictione X. die Mercurij, in hora vespera, fuit terræ motus maximus, qui antea non erat visus.

MCXVIII. decimo nono Kal. Novembris, Indictione XII. die Iovis captum est castrum Lomelli.

MCXXVII. octavo Kal. Septembris, Indictione V. civitas Cumenfis capta fuit.

MLXIV. X. die mensis Madij fuit pugna in campo Montuo.

MCC. Indictione tertia, die XI. erat Augusti, una die Lunæ, fuit captus burgus Pisonij & combustus & ferè omnes habitantes fuerunt & totum suum gaudium; & multi projecerunt se de turri magna,